

VIII. DATOS CONSOLIDADOS DO SECTOR PÚBLICO AUTONÓMICO

O SECTOR PÚBLICO GALEGO

A lei 3/2009, do 23 de xuño, pola que se modifica o artigo 48 do texto refundido da Lei de réxime financeiro e orzamentario de Galicia, pon de manifesto o compromiso desta Comunidade por adaptar a súa normativa aos principios reitores aos que debe adecuarse a política presupostaria do sector público, en orde á consecución da estabilidade e o crecemento económico.

Nesta orde, o Real Decreto Legislativo 2/2007, do 28 de decembro, polo que se aproba o texto refundido da Lei Xeral de Estabilidade Presupostaria, establece o ámbito subxectivo que integra o denominado sector público e o delimita, con carácter xeral, sinalando que para as Comunidades Autónomas estará composto pola súa administración e polos entes e organismos públicos dependentes daquela, que presten servizos ou produzan bens que non se financien maioritariamente con ingresos comerciais.

A modificación da lei galega, diríxese, precisamente, a determinar os organismos e entes cuxos orzamentos se integran nos da Comunidade Autónoma de Galicia, de modo que aos xa tradicionais organismos autónomos, axencias públicas, entidades de dereito público con personalidade xurídica e sociedades mercantís, veñen a incorporarse as fundacións públicas e os consorcios nos que concorran os requisitos determinados no Sistema Europeo de contas para a súa integración no sector da nosa administración pública.

Deste modo, a partir do ano 2010 a elaboración dos orzamentos da nosa Comunidade realízase no marco dos criterios de delimitación do sector dimanantes do establecido polo Sistema Europeo de Contas (SEC 95), que evidentemente non é un sistema directamente aplicable ao presuposto das administracións públicas nin á contabilidade patrimonial, pero que si se ten que aplicar para definir a capacidade ou necesidade de financiamento.

VIII. Datos consolidados do sector público autonómico

Neste primeiro exercicio, a aposta realizada pola clara delimitación do sector público galego vai permitir facer máis transparente a súa actividade, vai introducir unha notable mellora da información presupostaria e vai afondar na consideración global da actuación pública da nosa administración, de maneira que esta se mostrará con independencia da forma institucional ou da fórmula de participación que se estableza para xestionar os recursos públicos galegos.

O seguinte cadro ofrece información relevante sobre o impacto que para o 2010 ten a aplicación da nova normativa, de maneira que no caso das novas entidades que se integran no orzamento se produciu un incremento substancial respecto á situación existente nos orzamentos do ano anterior.

Subsectores	2009	2010
Administración Xeral	1	1
Organismos autónomos administrativos	10	10
Organismos autónomos comerciais, industriais, financeiros ou análogos	2	2
Axencias públicas autonómicas	1	1
Entidades de dereito público	12	12
Sociedades mercantís	20	20
Fundacións	6	47
Consortorios	0	5
Total	51	98

Esta circunstancia determina que se ofrezca información sobre un gasto de máis de 137 millóns que non estaban recollidos nos orzamentos de 2009 e que se poñan de manifesto transferencias internas que ata este ano non eran consideradas na fase de elaboración e aprobación do presuposto, o que permite obter a imaxe completa das contas do sector sector público autonómico.

Respecto aos diferentes tipos de entidades que integran os orzamentos sectorizados da comunidade autónoma, destacan dous grandes agrupacións:

- a. Entidades con orzamentos limitativos, a administración xeral, os organismos autónomos, as axencias públicas autonómicas e os consorcios do artigo 48.1.g do TRLFO.
- b. Entidades con orzamentos estimativos, son as sociedades públicas autonómicas do artigo 12 do TRLRFO, entes de dereito público e sociedades mercantís, e as Fundacións do artigo 48.1.f do TRLRFO.

SECTOR PÚBLICO AUTONÓMICO

2010

miles de euros

I. ORZAMENTO LIMITATIVO	1. Administración Xeral	11.371.002
	2. OO.AA. Administrativos	3.824.202
	3. OO.AA. Comerciais, Industriais, Financeiros ou	269.432
	4. Axencias públicas autonómicas	14.262
	5. Consorcios	58.861
	6. Total sen consolidar (1+2+3+4+5)	15.537.759
	7. Operacións internas	-3.842.178
	8. Total consolidado (6+7)	11.695.581
II. ORZAMENTO ESTIMATIVO	9. Sociedades públicas mercantís	1.105.363
	10. Entes de dereito público	1.059.901
	11. Fundacións sector público autonómico	203.601
	12. Total sen consolidar (9+10+11)	2.368.865
	13. Operacións internas	-537.309
	14. Total consolidado (13+14)	1.831.556
	15. TOTAL SEN CONSOLIDAR (6+12)	17.906.624
	16. TOTAL OPERACIÓNS INTERNAS (7+13)	-4.379.487
	17. TOTAL CONSOLIDADO SECTOR PÚBLICO AUTONÓMICO (15+16)	13.527.137